

## **PROGRAM ZA POLAGANJE STRUČNOG ISPITA**

Program za polaganje stručnog ispita za obavljanje poslova ispitivanja stabilnih sistema za dojavu i gašenje požara obuhvaća sljedeće predmete:

1. Osnove zakonske regulative obuhvaća poznavanje i primjenu propisa koji se odnose na:
  - Zakon o zaštiti od požara i propise donijete na osnovu njega;
  - Zakon o zaštiti na radu;
  - Zakon o zaštiti čovjekove okoline;
  - Zakon o normatizaciji;
  - Zakon o građenju;
  - pravilnike i norme za mjerne jedinice, mjerila i meteorološke uslove;
  - propise za posude pod pritiskom.
2. Stabilni sistemi za gašenje vodom i vodenom parom obuhvaća poznavanje sljedećih sadržaja:
  - poznavanje propisa i usvojene tehničke prakse za te sisteme;
  - principe rada elemenata i cjeline sistema;
  - opremu i mjerne uređaje za ispitivanje kao i princip njihovog rada;
  - metode i postupke za ispitivanje funkcionalnosti tih sistema.
3. Stabilni sistemi za gašenje ugljikom, halonom i prahom obuhvata poznavanje sljedećih sadržaja:
  - poznavanje propisa i usvojene tehničke prakse za te sisteme :
  - principe rada elemenata i cjeline sistema;
  - opremu i mjerne uređaje za ispitivanje kao i princip njihova rada;
  - metode i postupke za ispitivanje funkcionalnosti tih sistema
4. Stabilni, polustabilni i mobilni sistemi za gašenje pjenom obuhvačaju poznavanje sljedećih sadržaja:
  - poznavanje propisa i usvojene tehničke prakse za te sisteme ;
  - principe rada elemenata i cjeline sistema;
  - opremu i mjerne uređaje za ispitivanje kao i princip njihovog rada;
  - metode i postupke za ispitivanje funkcionalnosti tih sistema.
5. Stabilni sistemi za dojavu požara i prisutnosti zapaljivih gasova i para obuhvata poznavanje sljedećih sadržaja
  - poznavanje propisa i usvojene tehničke prakse za te sisteme;
  - principe rada elemenata i cjeline sistema;
  - opremu i mjerne uređaje za ispitivanje kao i princip njihova rada;
  - metode i postupke za ispitivanje funkcionalnosti tih sistema

**95**

Na osnovu člana 21. stava 6. Zakona o zaštiti od požara ("Službene novine HNK" broj 5/04 ) ministar unutrašnjih poslova donosi

## **PRAVILNIK**

### **O USLOVIMA ZA ISPITIVANJE UVEZENIH UREĐAJA ZA GAŠENJE POŽARA**

#### **Član 1.**

Ovim Pravilnikom propisuju se uslovi koje mora ispunjavati pravno lice ovlašteno za ispitivanje ispravnosti uvezenih uređaja, opreme, sredstava i instalacija namijenjenih za gašenje, dojavu i sprečavanje širenja požara, te njihove podobnosti za namijenjenu svrhu (u daljem tekstu: ovlašteno pravno lice).

Uredajima se u smislu ovog Pravilnika smatraju uvezeni uređaji, aparati , oprema, sredstva i instalacija za gašenje požara.

#### **Član 2.**

Ovlašteno pravno lice mora imati tehničku opremu i sredstva takvih karakteristika da se njima, prema domaćim normama, mogu obaviti poslovi ispitivanja uređaja.

Za poslove iz stava 1. ovog člana za koje nisu donijete BAS norme mogu se primjenjivati strane norme, u skladu sa Zakonom o normatizaciji, odnosno prihvaćena pravila tehničke prakse.

#### **Član 3.**

Ovlašteno pravno lice mora imati odgovarajuće laboratorijske, skladišne i kancelarijske prostore da u njima može organizovati obavljanje poslova ispitivanja uređaja.

#### **Član 4.**

Ovlašteno pravno lice mora imati najmanje tri zaposlena radnika od kojih je najmanje jedan odgovarajuće visoke stručne spreme i tri godine radnog iskustva ili odgovarajuće više stručne spreme s pet godina radnog iskustva.

Zaposleni radnici u ovlaštenom pravnom licu, zaduženi za poslove ispitivanja, moraju poznavati postupak ispitivanja ispravnosti i podobnosti uređaja.

**Član 5.**

Zahtjev za dobivanje ovlaštenja za ispitivanje uređaja, koji se podnosi Ministarstvu unutrašnjih poslova (u daljem tekstu: Ministarstvo), mora sadržavati:

- naziv pravnog lica koje podnosi zahtjev;
- podatke o opremi koju pravno lice posjeduje, a namijenjena je obavljanju poslova ispitivanja uređaja;
- podatke o raspoloživom laboratorijskom, skladišnom i kancelarijskom prostoru;
- dokaz o stručnoj spremi i stažu radnika zaposlenih na poslovima ispitivanja uređaja;
- opis postupaka koje će pravno lice primjenjivati pri obavljanju poslova ispitivanja uređaja.

**Član 6.**

Ministar unutrašnjih poslova (u daljem tekstu: Ministar) imenuje komisiju koja utvrđuje postojanje uslova iz člana 5. ovog Pravilnika.

**Član 7.**

Ovlašteno pravno lice obavezno je o početku ispitivanja uređaja obavijestiti Ministarstvo.

Komisija iz člana 6. ovog Pravilnika može biti prisutna ispitivanju uređaja te obavljati nadzor nad svim poslovima u vezi s ispitivanjem uređaja.

**Član 8.**

Ovlašteno pravno lice obavezno podnosi Ministarstvu zapisnik o rezultatima ispitivanja uređaja.

**Član 9.**

Zapisnik o rezultatima ispitivanja uređaja mora sadržavati:

- naziv i tipsku oznaku proizvoda;
- naziv proizvodača;
- naziv uvoznika i naručioca ispitivanja;
- popis tehničke dokumentacije uzorka;
- obilježja i namjenu uzorka;
- podatke o normi (propisu) prema kojem je ispitivanje izvršeno;
- rezultate ispitivanja sa zaključkom.

**Član 10.**

Ovlašteno pravno lice, nakon obavljena ispitivanja, ovlašteno je za izdavanje isprave o ispravnosti uređaja, kao i njegove podobnosti za namijenjenu svrhu (u daljem tekstu: isprava o ispravnosti uređaja).

Ovlašteno pravno lice ne može obavljati ispitivanje uređaja i izdavati isprave o ispravnosti uređaja za one uređaje koje samo uvozi.

**Član 11.**

Ovlašteno pravno lice Ministarstvu obavezno podnosi izvještaj o izdavanju ili neizdavanju isprave o ispravnosti uređaja.

**Član 12.**

Cijenu, ispitivanja uređaja i izdavanja isprave o ispravnosti uređaja određuje ovlašteno pravno lice uz saglasnost Ministarstva.

**Član 13.**

Ministarstvo vodi popis o ovlaštenim pravnim licima i izdatim ispravama o ispravnosti uređaja.

**Član 14**

Stupanjem na snagu ovog Pravilnika na području Hercegovačko-neretvanskog kantona, prestaju važiti svi provedbeni propisi koji su regulisali ovu oblast.

**Član 15**

Ovaj Pravilnik stupa na snagu danom donošenja, a biće objavljen u "Službenim novinama HNK".

Bosna i Hercegovina  
Federacija Bosne i Hercegovine  
HERCEGOVACKO-NERETVANSKI KANTON  
MINISTARSTVO UNUTRAŠNJIH POSLOVA  
M O S T A R

Broj:02-01-04-625/05  
Mostar,05.05.2005.godine

**M I N I S T A R**  
Tomislav Martinović, dipl.iur.s.r.

**96**

Na osnovu člana 7. stav 7. Zakona o zaštiti od požara ("Službene novine HNK" broj 5/04), ministar unutrašnjih poslova d o n o s i

**PRAVILNIK**  
**O STRUČNIM ISPITIMA U PODRUČJU**  
**ZAŠTITE OD POŽARA**

**Član 1.**

Ovim Pravilnikom zaposlenici odgovorni za zaštitu od požara u pravnim licima i stručnim službama organa državne vlasti, organa državne uprave i upravnim organima jedinica lokalne samouprave i uprave (u daljem tekstu: pravna lica i stručne službe) polazu stručni ispit prema programima i na način propisan ovim Pravilnikom.